



20. oktobari 2022

UPA2022/72

Isumaginninnermut pisortaqarfik angerlarsimaffinni meerartaqarfiusuniit eqqissiviillioraqarsimatillugu ilisimatinneqarnerini aaqqiagiinngittoqartillugu akunnergiliuttuusarneq pillugu neqeroorummik pilersitsisoqarnissaa anguniarlugu Naalakkersuisut peqquneqarnissaat pillugu Inatsisartut aalajangiiffigisassaattut siunnersuut.

(Inatsisartunut Ilaasortaq Anna Wangenheim, Demokraatit)

Demokraatineersoq Anna Wangenheim siullermik qutsavigerusupparput apeqqummik pingaaruteqartumik qaqsimmat, Siumumiillu ima siunnersuut oqaaseqarfingissavarput.

Angerlarsimaffinni meeraqarfiusuni eqqissiviilliorqartsarneq nunatsinni ulluinnarsiutigigippu imalluunniit eqqissiviilliornerit nalinginnaasuuusutut inissisimaneranik siunnersuuteqartup oqarnera Siumumiit annertuumik eqqarsarnartoqartipparput, aamma angerlarsimaffinni eqqissiviilliorfiusartuni iliuuseqartariaqarnerput tamakkiisumik ilalerparput.

Uani siunnersuummi anguniarneqarpoq, aaqqiagiinnginnerup anigornissaa siunertaralugu akunnergiliuttunik ikiorteqartalernissaq, tamannalu Siumumit taperseratsigu oqaatigissavarput.

Meeqqat Oqaaseqartartuat, MIO, ukiorpassuannangulersuni avammut ilisimatisarisarpoq, inuaqatigiinni suli unammilligassaqartugut. MIO-p nalunaarusiarisartagaanni meerarpassuit imaannaanngitsumik atugassaqarlutik peroriartortarput – aamma uatsinnut inersimasunut tamakku pilligit oqariartortarput - tamannalu pitsaanerusumut saatissagutsigu tamatta inuttut ataasiakkaatut inersimasutullu akisussaaffimmik tigusisariaqarpugut.

Isumaqpungalu qarsupittumik misissuisitseqqiinnarnissamillu oqalulluni una pineqartoq iluarsiartulernavianngitsoq. Angerlarsimaffinni eqqissiviilliorneq pissutigalugu meerarpassuit inuunerminni inissinnerluttarput, aamma kommuniniit arsaarinnissutigineqartartut ikinngillat.

Nuanninngitsumik inuuneqarnerup meeqqanut amerlavallaannut – suli ulloq manna tikillugu – ingerlateqqinneqartarnerat sapinngisarput tamaat atorlugu iliuuseqarfingisariaqarpaparput aamma nukissaqarfingisariaqarpaparput.

Siumut isumaqpungalu, angerlarsimaffinni eqqissiviilliorfiusartuni akunnergiliuttoqartalernikkut ajunnginnerusussap tungaanut angusassaqarnerusinnaasugut. Assersuutigilara kommunit



aqqutigalugit meeqqat angerlarsimaffiup avataanut inissinneqartariaqartartut – ajornartorsiutip qiterpiaa, tassalu inersimasut akornanni akerleriinneq – iliuuseqarfiginiarlugu toqqaannaq ikiuisinnaasumik neqerooruteqarluni sulisinnaasunik nukissaqalernitsigut pitsaanerusussamut alloriaqqittoqarsinnaasoq Siumut isumaqarpoq.

Tassunga atatillugu eqqaarusuppara assingusumik periarfissaq ingerlasoq, tassalu Najorti. Najorti tassaavoq piumassutsiminnik ikiuisartut, meeqqat inuuksutulluunniit pisortanut saaffiginninissatillugit ikiuisinnaasartoq.

--

Naalakkersuisut siunnersuuteqartumut akissuteqaatiminni allapput, aaqqiagiinngitsoqartillugu akunnermiliuttusarnermi pingaaruteqarnerpaasoq isumaqatigiissitsiniartumit ikiorneqarlutik illuatungeriit namminneq aaqqiissutissaminnik nassaarsiornissaat. Illuatungeriillu namminneq piumassutsiminnik peqataassasut - akisussaaffimmik tigusinissaminnut piareersimassasut.

Naalakkersuisut taama oqariarlutik allannguutissatut siunnersuuteqarput ilaatigut allallutik, ilaqtariit nalaataqarnerluttut allanngornerujussuarmillu aqqlusaagaqartut pillugit nassuaasiornissamik Naalakkersuisut pisinnaatitsissummik tunineqarqusuttut.

Siumut isumaqarpoq meeraq qitiutillugu isumaginninnikkut ingerlatsinerput tunngavilersimassagippot. Demokraatineersup Anna Wangenhaiimp siunnersuutimini aaqqiissutissat erseqqissut pivai, aamma nunarsuarmioqatitsinnit misilittagaqarfigineqalersimasut.

Taamaattumik Siumut isumaqarpoq, una siunnersuut aqquissiuutissallugu pisussaaffeqarluni. Nunatsinni meeqqat ajunnginnerpaamik atugassaqarlutik peroriartornissaat tamatta pinngitsoqarata pisussaaffigalugulu akisussaaffigaarput.

Taamaattumik siunnersuut taamak isikkoqarluni ataatsimiitaliamut susassaqartumut ingerlaqqissasoq Siumup kissaatigaa.

Dines Mikaelson, Siumut